

滿洲名臣傳

十七上



內閣文庫	漢書類
二三五號	
一六冊	
三函一四架	

內閣文庫
元二

內閣文庫	
番號	漢 2305
冊數	160 (33)
函號	290 43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大正

滿洲名臣傳卷十七

柯汝極

井文焜

哲勒肯

柯永盛

塔勒岱

佛倫

劉清泰

羅華顯

錫勒達

費揚古

阿南達

馬國柱

瑪祐

郎坦

柯汝極

柯汝極

柯汝極

柯汝極

後

柯汝極

天命六年

太祖高皇帝

克

柯汝極

巡汝極舉

發其事

復檢

獲間牒

十四人授參領

兩州

守

守

守

輕車都尉世職

太宗文皇帝天聰八年授禮部叅政崇德三年考滿晉職二等輕車都尉三年裁省叅政仍專任叅領七年分漢軍隸八旗以汝極任佐領

世祖章皇帝順治元年三月復授禮部叅政二年十月改廂紅旗漢軍副都統遇

恩詔晉世職一等輕車都尉四年以副都統率兵駐防杭州七年七月卒于官無子以弟

之子永綦爲子襲職永綦旋任兵部郎中兼叅領遇

恩詔晉爵三等男十年擢廂紅旗漢軍副都統十二年兼任戶部侍郎十三年擢本旗都統同寧海大將軍伊勒德征浙江海賊由寧波乘舟趨定海僞伯阮思僞總兵胡自慶等率衆列艦於衡水洋我師進擊賊衆既卻復前永綦躍入賊艦斬自慶餘賊望風披靡我諸軍並進斬阮思及僞總制陳六御等遂定

舟山十四年追論在戶部時接

赦免員外郎朱世德虧缺稅銀坐贍徇降世職一等輕車都尉尋敘平舟山功仍復三等男

聖祖仁皇帝康熙元年同靖東將軍濟什哈征山東叛賊于七賊糾黨踞棲霞縣鉅嶧山乘夜劫營永綦射殫三十餘人賊竄遯復追殫九十五人于七竄入海十年三月授京口將軍十二年擅撥戰艦與總兵李廷棟移取

家口爲副都統張所養劾奏罷任十三年起署山東提督十六年十二月文登城守兵以給餉遲延羣集縣驛鼓噪刃傷知縣吳閻啟十七年五月左都御史宋德宜劾永綦平日尅減兵糧縱成驕悍文登兵衆鼓噪又隱匿不報無異養癰待潰

上命吏兵二部察議罷任革世職以其弟永藝襲汝極之一等輕車都尉二十四年卒

甘文焜列傳

甘文焜其先江西豐城人後遷瀋陽父應魁
從

世祖章皇帝入關隸正藍旗漢軍官至石匣
副將文焜由兵部筆帖式累遷禮部啓心郎
聖祖仁皇帝御極改大理寺少卿康熙二年
遷順天府尹六年正月授直隸巡撫先是左
都御史郝惟訥以督撫親蒞屬邑官吏因緣
派累民間奏罷巡歷例七年六月文焜疏言
巡撫不巡視屬邑則吏治民隱無由悉知如

巡撫不賢圖潤私家雖坐守一城而苛屬擾
民之事正多若果賢必自愛名節減省從役
絲毫不以累人而年歲豐歉民間利病有司
貪廉悉無遁情請仍

勅令巡視但申嚴苛擾禁例則不肖之人知
微而寔心任事者得盡職守疏下部詳議部
臣執郝惟訥前奏寢其事

上曰各省遇有水旱等灾督撫減省從役速
行履勘庶不至顛倒輕重且可察訪貪官蠹

役重加懲治於苦累兵民之事驗時卽行更改其允文焜請著爲令九月文焜疏報履勘涿霸安祁等州大興高陽文安武清束鹿清苑等縣田地數萬頃秋雨爲災請全蠲歲賦已征夏稅流抵來年部議按例減免有差得旨朕聞保定眞定二府及霸昌道所屬州縣被災特甚勘報十分九分者其盡行蠲免內有已征者流抵來年文焜復劾昌平順義懷柔密雲文河各州縣官遲報水災得

旨下部處分如例會總督白秉真以賑費浩繁請聽官紳等輸納銀米文焜輸銀三千助賑議敘加銜工部侍郎旋擢雲貴總督八年五月受事奏禁各關站於額設夫役外派民協助時吳三桂鎮雲南雲貴總督駐貴陽三桂欲藉邊釁以固兵權詭報土番康東入寇又陰趣凱里諸苗煽亂羽檄交馳以覘文焜措置文焜料康東無能爲患凱里近在肘腋不制恐滋蔓難圖先督兵進勦擒斬無算連

破賊巢遣副將冶秉忠搜勦阿魯山陣斬賊酋阿戎餘党悉平乃以進勦康東師期移檄雲南而三桂果以康東遠遁來告文焜尋以滇疆遼濶疏請巡視因遍歷各府州十年三月疏言滇黔山路崎嶇且多瘴癘官員卒於任者請給勘合由駟歸檄疏下部議行七月以病求罷

上温旨慰留九月丁母憂

命在任守制十一月臻劄逆苗阿福倡亂文

焜遣兵搗其寨陣斬千餘人擒阿福誅之文焜再疏乞歸葬

許給假治喪十二年十月還貴陽任事時方允三桂撤藩之請三桂期以十一月二十四日起行陰結党羽謀反先期三日戕雲南巡撫朱國治分遣逆党逼貴陽文焜聞變卽繕疏遣族弟文焜賞馳入告復致書川湖總督蔡毓榮趣其集兵沅州聯絡楚黔聲援先是文焜回京治喪三桂請以總督印雲南巡撫

署理因假訓練爲名盡調督標弁兵赴鎮厚
結之至是煽誘潰散莫聽文焜調遣文焜既
牒提督李本深領兵扼盤江上流以拒賊適
本深以書來覘文焜意中多遁辭文焜復爲
手書答之畧曰黔省安危責在提督逆賊受
國厚恩罔思圖報乃弄兵一隅自取滅亡我
輩忠孝自矢建樹正在今日尙其同心協力
手足相依萬一不濟惟有效張巡南霽雲以
身殉國斷不稍存携貳也本深得書弗顧竟

踞安順府從逆貴州巡撫曹申吉亦降賊文
焜見城中將吏無一可與謀者度貴陽不能
守惟鎮遠地勢險阻外可號召荆楚之兵內
可抗拒滇黔之隘堵遏凶鋒力圖勦滅猶事
之可爲者因令妾盛氏率婦女等七人自經
死卽輕騎馳赴鎮遠至則守將江義亦已從
逆文焜至吉祥寺江義以兵環之文焜嘆曰
封疆之臣當死封疆事至此無能爲矣整衣
冠望

闕再拜遂自刎死年四十有二第四子國城
及筆帖式和善雅圖從死焉後數年吳逆旣
平貴州巡撫楊雍建疏陳文焜滇黔政績及
遇賊死節事得

旨甘文焜總督雲貴供職勤勞吳逆反叛捐
軀殉難忠節深爲可憫下所司優恤並

允直隸巡撫于成龍請遣其長子宣化府同
知國均迎櫬還京至之日

遣大臣迎奠於盧溝橋贈兵部尙書

賜祭葬如典禮諡忠果廕子國璧入監二十
五年貴州巡撫閻興邦以士民請建專祠於
貴陽入奏

御書勁節二字額其祠

世宗憲皇帝時以文焜入祀昭忠祠

哲勒肯列傳

哲勒肯滿洲正白旗人姓鄂濟氏初任內閣
中書累遷至侍讀學士

聖祖仁皇帝康熙八年擢國史院學士九年

改中和殿學士十年京口將軍李顯貴與鎮
江知府劉元輔以扣剋軍餉爲旂兵揭告哲
勒肯奉
命同侍郎覺羅勒德洪往江南察審尋奏言
李顯貴等侵盜帑銀賍至六萬總督麻勒吉
失察於前復不能劾奏於後請解任質審得
旨允行於是顯貴元輔並坐斬麻勒吉訊非
有心狗庇坐鑄級留任是年重修
太祖

太宗聖訓哲勒肯充副總裁官又充
經筵講官遷刑部侍郎十二年三月調禮部
八月逆藩吳三桂奏請移藩錦州
上命哲勒肯同學士傳達哩赴雲南經理其
事

賜佩刀一良馬二哲勒肯至雲南三桂期以
十一月啓行而陰與藩下都統吳應麒等謀
亂遂發兵反哲勒肯與傳達哩皆被留十三
年三桂復遣其護衛疏自述功績付哲勒肯

等賈奏還京明年哲勒肯調任吏部十六年
河道總督王光裕以河工廢弛爲侍郎冀如
錫所劾哲勒肯與副都御史金儁奉
命往訊得寔光裕罷任先是麻勒吉與漕運
總督素幹顏保先後陳奏海州雲臺山屏障
海口爲淮黃尾閭自廢爲外洋壅沙日積致
運道無所宣洩請復改爲內地至是
勅哲勒肯便道勘閱因奏言雲臺果距大洋
西北毗連山東江南內地雖去運道較遠第

向設徐瀆鹽場及郵莊一十八所田畝膏腴
棄之可惜請招徠灶戶人民使復舊業其東
海營原設守備等官亦應復設下部議如所
請十九年遷左都御史

命赴武昌察審雲貴巡兵奏言湖廣標兵隨
征以州辰州用命殺賊追進征雲南改隸滇
標提督桑額不恤士卒致逃兵一千餘人復
隱匿不報請
勅部嚴議

上曰領兵官平時不能愛養軍士使軍士無以資生始有鼓噪逃散之事桑額其創議罪并傳諭各省統領將帥無得恣虐兵卒貽悞軍機尋議桑額降級留任二十年遷兵部尚書明年七月

上以兵部議行間情罪多姑息輕縱由哲勒肯瞻徇

訓責之時三逆蕩平兵部議裁各省增設官兵靖逆將軍張勇奏甘肅寧夏西寧三鎮請

以增設兵五千改爲經制

詔哲勒肯赴陝西會同將軍督撫核議尋議西寧總兵所屬河州及寧夏中衛官兵雖自用兵時增設但地係邊疆請仍留駐守餘悉裁汰九月以病卒於西寧

賜祭葬如例四十六年十月

上與大學士馬齊衡論在廷諸學士爲不及昔年因

追憶哲勒肯爲學士時批本最速且以其草

書敏捷咸稱飛手爲

褒美云

阿永盛列傳 弟永昇附

阿永盛遼陽人隸廂紅旂漢軍副都統柯汝極從子也

太宗文皇帝崇德六年任佐領隨大軍圍錦州以砲攻克涼馬山臺及杏山塔山二城七年奉

命同副都統馬光輝鑄神威砲八年隨鄭親

王濟爾哈副征明取前屯衛中後所二城敘功予騎都尉世職

世祖章皇帝順治元年任刑部理事官大軍初定山東授膠州總兵至則勦平昌樂土賊秦尙行趙慎寬等流賊李自成裨將趙應元詭就侍郎王鰲永招撫入青州害鰲永踞城倡獮永盛率兵赴援同副都統和託李率秦等駐兵城外輕騎入城計擒誘執應元斬之復率兵圍高密擒斬偽元帥張輿二年濰縣

土賊張廣既降復叛糾衆數千犯萊州永盛遣遊擊楊遇明擊敗其衆廣中鏃死餘賊悉平三年調江寧總兵總督洪承疇遣永盛領兵會勦江西叛賊南贛巡撫苗胙土奏言江西諸郡叛服靡常贛州爲全省要區請留永盛鎮守

詔調永盛南贛總兵四年正月湖廣興國州土賊柯抱冲陳珩玉等殺武昌同知張夢白寇掠江西武寧永盛遣將分勦連破賊峇抱

冲珩玉並就擒斬時明桂王朱由榔據湖南江西之石城寧都雩都瑞金長寧安遠諸邑叛應之倚山結寨四出劫掠永盛遣副將劉伯祿徐啓仁叅將董大用遊擊孔國治等次第勦平之八月擢湖廣提督五年江西總兵金聲桓叛興國孝感雲夢黃安麻城圻州諸土賊亦皆蠢動永盛移兵防守要地分遣叅將鄔乘鳶遊擊張國忠等搜勦賊寨以時奏捷十年流賊張猷忠遺党李定國孫可望等

掠湖南寧遠大將軍貝勒屯齊統師由衡州
進征永盛督兵繼其後策應援勦屢敗賊衆
擒斬無算遇

恩詔晉世職三等輕車都尉十八年調山西
提督

聖祖仁皇帝康熙三年考滿加左都督七年
永盛以年老乞休

上慰留之尋以宣力年久加太子少保八年
致任十四年正月卒

賜祭葬如例子鍵襲世職弟永昇由員外郎
出任湖南糧儲道十九年遷江西按察使二
十二年遷安徽布政使二十七年二月擢湖
廣巡撫時裁湖廣總督令督標兵老弱者歸
農強壯者候缺食糧五月永昇甫之任裁兵
夏逢龍結衆作亂突入巡撫廨署遇拒阻者
輒刃之傷永昇臂奪其印復傷永昇足仆地
悉驅其親屬及家人出走搜掠財物永昇乘
間自縊死子鉞由九江走安慶以其事訴於

巡撫楊素蘊入奏

賜卹如例

世宗憲皇帝時以永昇入祀昭忠祠

塔勒岱列傳

塔勒岱滿洲廂白旗人姓博和哩氏先世居黑龍江祖額徵古

太宗文皇帝天聰時來歸塔勒岱初任前鋒校

聖祖仁皇帝康熙元年隨定西將軍愛星阿

由雲南入緬甸追擒明桂王朱由榔在事有功十年授前鋒侍衛十三年逆藩吳三桂之黨譚宏吳之茂王屏藩等踞四川塔勒岱隨前鋒統領穆占勦賊於野狐嶺賊以千餘眾伏林箐出步騎百餘誘戰塔勒岱先眾迎擊敗賊盡發其伏分隊撲勦賊俱竄走復擊敗偽總兵葉某於陽平關進征保寧偽總兵鄭歪嘴吳應龍韓天福等先後率眾水陸來犯咸擊卻之自蟠龍山還至郿嶺及龍潭驛兩

遇賊衆並邀擊之潰遁敘功予雲騎尉世職
值陝西提督王輔臣叛踞秦州平涼塔勒岱
隨穆占征勦敗偽總兵高鼎於隴州進圍秦
州擊賊兵之自平涼保寧來援者秦州既下
遂趨平涼屢擊敗迎戰賊衆十五年王輔臣
降吳三桂尙踞湖南穆占奉
詔爲征南將軍移師湖南塔勒岱率兵隨十
七年駐師攸縣賊將王國佐屢率衆犯城塔
勒岱戰卻之復敗偽總兵黃士彪裘萬寶於

鄱縣桂陽州諸處十八年敗賊將吳國貴吳
應麒等於永州沅州凱旋授護軍叅領二十
年調前鋒叅領二十三年擢前鋒統領二十
四年擢順白旂蒙古都統彙敘陝西湖南軍
功晉世職爲騎都尉兼一雲騎尉二十五年
七月卒

賜祭葬如典禮謚勇壯子奇蘭布襲職

佛倫列傳

佛倫滿洲正白旗人姓舒穆祿氏初由筆帖

式遷兵部主事

聖祖仁皇帝康熙十五年遷詹事府中允尋遷工部郎中歷少詹事沔陟大理寺卿十八年擢內閣學士充

經筵講官時逆孽吳世璠尙踞黔滇是年六月佛倫奉

命同侍郎金鉉赴湖廣總理糧餉九月疏言進黔兵餉自至鎮遠後皆資陸運因量設塘站數處集夫遞送惟是黔民遭亂稀少請

飭將軍督撫招徠土民貿易以裨糧運從之十九年兼理四川糧餉及賊平還京二十二年遷刑部侍郎二十三年

命同吏部侍郎陳廷敬兵部侍郎阿蘭泰副都御史馬世濟管理錢法疏請令各省有蘆課闕稅之所辦銅寶解寶源局以廣鼓鑄下工部議行二十四年調兵部侍郎尋擢左都御史疏言科道各官有受囑陳奏結党誣陷及給假終養丁憂不在家靜守遍遊各省挾

制督撫諸弊請嚴定處分下吏部議行二十五年遷工部尙書二十六年二月調刑部九月調戶部先是河道總督靳輔言高郵寶應諸州縣下河宜築堤束水入海按察使于成龍以堤工難成請疏濬下河及海口上遣侍郎孫在豐往董疏濬事靳輔又言宜自高家堰起加築重堤束各埧減洩之出水出清口歸黃河而停濬下河並請於堤外濶出田畝設官清丈以爲屯田可增錢糧百餘萬

上曰朕從利益民生起見非爲錢糧著佛倫與侍郎熊一灃給事中達奇納趙吉士會同江南總督總漕確勘議奏尋議應如靳輔所請二十七年漕運總督慕天顏疏劾佛倫勘議河工皆從靳輔臆說不顧與屯之占田厲民孫在豐疏言前佛倫與臣等會勘河工時原議海口應濬擬有疏稿後忽改爲加築重堤停濬海口之疏雖係佛倫主稿寔靳輔陰謀御史陸祖復劾佛倫往勘河工屯田二

事左袒河臣不顧公議嗣奉

命九卿會議而主議者不過佛倫及尙書科爾坤左都御史格斯特等三四人卽如屯田一節尙書張玉書左都御史徐乾學力言屯田所占民田應還業主而科爾坤等置若罔聞半依佛倫所奏具稿其餘九卿有不見議稿隻字者疏入下部嚴察議奏會御史郭琇疏劾斬輔偏聽幕友陳潢阻撓下河開濬又劾大學士明珠余國柱與佛倫結黨營私諸

欵

上諭責佛倫往勘河工屯田所議偏徇且凡會議時挾私好勝

命解戶部尙書任

召靳輔于成龍同郭琇入佛倫熊一瀟達奇納趙吉士入對佛倫乃奏停屯田有丈出民田概還業主其暫設同知縣丞等官並裁汰於是部議佛倫應革職

上曰佛倫任工部時極其勤勞凡奉差遣亦

能勝任但議此事舛錯殊甚著留其佐領以
原品隨旂行走逾月授內務府總管二十八
年山東巡撫缺

諭大學士等曰山東紳衿最稱桀驁且好結
朋黨宜簡用風力之人爲巡撫著以佛倫補
授二十九年正月疏言沂州等州縣衛所未
完康熙二十八年錢糧請於麥收後開征
上曰山東本年地丁錢糧全行蠲免原欲使
小民終年休息若帶征未完舊欠必至借端

滋弊著於三十年帶征六月佛倫疏言東省
賦役不均凡紳衿貢監戶下悉免雜差遂有
奸民詭寄田畝規避徭役請通限兩月之內
許其自首改正嗣紳衿等田畝令與民人一
例應役以釐剔積弊得

旨徭役不均偏累小民所奏改正釐剔具見
寔心任事並不瞻徇直省應一体行七月佛
倫疏言東省本年蠲免正賦臣仰体
皇仁勸諭大戶酌減佃租一分至五分不等

請嗣後直省凡遇

恩免賦糧七分蠲免業戶三分蠲免佃種之民又言東省本年豐收紳民願每石捐輸三合以爲積貯合計得穀二十五萬餘石用備荒歉疏並下部議行三十年革職縣丞譚明命許吏部主事朱敦厚任濰縣知縣時婪贓事下佛倫勸佛倫言敦厚加派婪贓經前撫臣錢瑛審寔敦厚因逸求原任刑部尙書徐乾學貽書錢瑛徇情銷案請

勅部議處乾學等皆斥職三十一年擢川陝總督明年西安鳳翔飢佛倫請督咸二府額銷鹽引之半又言西安駐防官兵糧草州縣苦於遠解請於距省四十里可通水路之曹店設倉收兌事俱下部議行三十二年冬入覲
賜冠服遣回任加禮部尙書銜三十三年授禮部尙書三十五年
上親征噶爾丹

命與大學士阿蘭泰尙書馬齊分班值宿禁城三十八年授文淵閣大學士初佛倫任山東巡撫時疏劾左都御史郭琇前任吳江知縣虧帑事且言琇父郭景昌原名爾標係明季御史黃宗昌家僕曾入賊黨伏法琇私改父名濫請

封典應予追奪部議如所請三十九年二月郭琇以湖廣總督入覲具疏訟佛倫誣罔其父

上詰問佛倫以訪聞舛錯對下部察議應革職援

赦得免三月以前任總督時散給陝西籽種銀兩不確察各官侵扣那用諸弊應降四級調用

上命以原官休致明年卒四十四年

上諭大學士馬齊曰佛倫爲總督時密奏涼州總兵師帝賓騎射不堪朕諭以師帝賓爲三屯營副將時騎射之佳大臣侍衛皆知乃

佛倫終劾之而佛倫亦於此壞名又密奏趙
良棟不可居寧夏乞召赴京師後良棟來朝
朕命之歸良棟奏曰有人言臣不宜居寧夏
臣不便歸朕問何人良棟言佛倫以告索額
圖而索額圖語臣以此觀之人之無恥未有
如佛倫者凡密奏之事皆朕親手封發卽左
右人亦不得見此皆体密奏者之心而重其
事也佛倫自行密奏而反以告人猶可比之
人數乎四十九年戶部虧空積年承辦草豆

銀兩事覺

上命從寬就現在得贓人員於未審之前以
所得之銀歸欵免其革職拏問因
諭諸大臣曰戶部弊端始自尙書科爾坤佛
倫後來諸臣因循成習以至於此凡爲大臣
者理應廉潔自守崑勉從事方爲無忝厥職
也

劉清泰列傳

劉清泰遼陽人隸正紅旂漢軍初名朝卿

太宗文皇帝賜今名崇德六年由諸生試一等入內院辦事

世祖章皇帝順治二年擢宏文院學士六年充纂修

太宗文皇帝寔錄副總裁九年充會試副考官教習庶吉士尋授浙閩總督時海賊鄭成功據廈門陷漳浦海澄南靖

上諭清泰勅曰鄭成功屢擾沿海郡縣本應剪除但昔年大兵下閩其父芝龍首先歸順

其子弟何忍背棄父兄甘蹈叛逆此必地方官不善開導致彼疑懼反側今已命芝龍作書遣人往諭如果悔罪歸順不吝爵賞爾當宣布朕意使之悅服十年二月清泰疏劾巡撫張學聖巡道黃澍總兵馬得功前此偵成功赴粵潛襲廈門攫其家貲致成功索償修怨連陷城邑疏下部議學聖等並罷黜三月清泰得成功自海上報芝龍書因疏言成功妄覲浙東粵東地安插兵衆語涉浮誇與其

更張於既撫之後不如詳慎於未撫之先得
旨所奏具見深識遠慮仍相機而行五月平
南將軍金礪攻海澄將克之以餉不繼還軍
漳浦會

願勅招撫成功封為海澄公遂罷兵清泰疏
請於閩浙兩省調兵一千駐守浦城增設遊
擊守備等官部議從之十一年清泰以成功
既奉

詔許給泉漳惠潮地仍不雜髮其黨逞掠如

故疏言成功無歸誠寔意宜

勅遣入旗兵赴閩駐守要地以資策應下諸
王大臣議清泰旋以病乞假成功復寇掠漳
州泉州

上命定遠大將軍濟度率兵往勦左都御史
龔鼎孳劾清泰一籌莫展當將軍金礪攻圍
海澄不能同心合力及招撫未就又不控扼
險要回駐杭州借病息肩致海疆被陷疏下
部議革任十八年

聖祖仁皇帝御極起爲秘書院學士尋授河南總督康熙元年築開封城清泰疏言城工浩繁未可以歲月計官民捐輸者俟工竣議敘未免觀望不前請按季報部錄敘以觀速效部議如所請三年以報墾荒地一萬二千餘頃加銜兵部尚書四年五月以疾致仕八月卒

賜祭葬如例

覺羅華顯列傳

覺羅華顯滿洲正紅旗人

聖祖仁皇帝康熙十九年由七品旗員授宗人府主事累遷戶部理事官往權浙江南新闕稅務歲滿還京復監督張家口稅務三十四年擢翰林院侍講學士充

日講起居注官三十五年

上親征噶爾丹至克魯倫河華顯扈從尋奉使

冊封朝鮮國王李焯子昫爲世子歸轉侍讀

南州名臣傳卷十七

三

學士三十九年三月擢內閣學士五月授甘肅巡撫未蒞任調陝西巡撫時陝西頻歲歉收開輸粟例華顯疏言報捐人衆每就近購糴致時價騰涌西安倉貯易盈積久更虞霉爛若欲增健倉廩又多繁費請不拘西安甘肅及願在各州縣買交者並許收納又言褒城扶風武功諸邑自康熙三十六年至三十八年逋賦甚多若新舊兼征未免拮据請于四十年後分作三年帶征以寬民力疏皆得

旨俞允四十年十月擢川陝總督明年二月疏言平涼慶陽臨洮鞏昌四府地皆沙瘠糧少難征州縣官往往虧帑贖貧請定揀選充補之例

勅令九卿于候補人員內保舉才品端方家道殷寔者任之三年俸滿卽予遷擢得

旨甘肅所屬被災民甚困苦所奏甚是下部詳議尋

命吏部送員引

見記名遇缺坐補先是蘭州隴西安定諸州
縣被災設廠賑粥至是將屆停止華顯以地
土寒涼麥收尙俟秋月恐粥廠一停貧民仍
復流移他處疏請展俟麥熟後停止又疏言
甘肅流民之就賑西安者計數千口臣與撫
臣鄂海及司道各員議捐給口糧遞送歸籍
但窮民久離鄉井雖歸亦難資生請每大口
給米五斗小口給米三斗其原有地畝之人
于種麥時給籽種三升無產業者撥與荒地

耕種卽給爲業亦照數支給又言甘肅產米
者少常平倉穀應以麥豆兼收若無米之區
卽以麥七豆三征收疏皆下部議行四十二
年十一月
上幸西安

閱兵以華顯與將軍博霖巡撫鄂海訓練有
方並

賚橐鞬弓矢加一級

賜御書宣猷達邇及凝清堂扁額尋以有疾

遣太醫診視十二月卒于官遺疏入得
旨華顯自簡任總督以來潔已率屬綏輯地
方秦蜀兩省事務經理合宜才猷茂著朕西
巡時滿漢文武官吏軍民無不稱譽其賢忽
聞溘逝深為軫悼下所司議卹加贈兵部尙
書太子太保
賜祭葬如例
命加祭一次諡曰文襄四十四年入祀陝西
名宦祠

錫勒達列傳

錫勒達滿洲廂紅旗人先世居棟鄂以地爲
姓會祖對齊巴顏子
太祖高皇帝時率屬來歸父格哩官兵部郎
中兼佐領

世祖章皇帝順治十五年從征雲南卒于軍
聖祖仁皇帝康熙十一年錫勒達由太常寺
養禮郎兼管佐領事十六年授太常寺卿二
十三年遷左副都御史尋擢內閣學士充

經筵講官二十四年正月

上祈穀禮成

顧錫勒達及太常卿格斯特日前見

太廟致祭時執事官捧福胙由神位間趨走

于尊

祖敬

宗之意未協爾等會稽舊例否錫勒達對曰

太常寺紀書禮部會典俱未載及

上復以贊禮郎唱亞獻為次獻義字與漢字

不符

命太常寺與內閣禮部集議改定執事各官

從殿外側旁趨奏改唱次獻為亞獻二十六

年擢禮部左侍郎兼管太常寺事三十年與

內大臣明珠等奉

命頒賞喀爾喀部歸降人眾三十三年禮部

奏祭

奉先殿儀注誤設皇太子拜褥于檻內下吏

部議處尙書薩穆哈革職錫勒達得

海州石印

三

旨寬免三十五年

上親統大軍征噶爾丹錫勒達扈從與學士
三寶隨皇三子允祉等經理廂紅旂大營軍
務三十六年五月擢都察院左都御史九月
遷兵部尙書三十八年七月奉
命赴陝西署川陝總督十一月調禮部尙書
三十九年十月調吏部尙書並仍署總督事
時烏斯藏喇嘛擅殺內地土官錫勒達疏請
勅令喇嘛第巴拘犯解訊並將移化林營兵

駐打箭爐以資彈壓得

旨允行既而逆番劫掠官兵阻絕橋道錫勒
達密陳進剿機宜

上命侍郎滿丕率荆州駐防官兵會提督唐
希順相機勦撫至是錫勒達奏請親往會勦
上以秦地緊要需人鎮撫
諭止之尋滿丕等以捷

聞初錫勒達之未至陝西也四川巡撫于養
志提督岳昇龍互訐贓款

遣侍郎洛察布泰往勘養志昇龍並應革職
命未下昇龍復以養志交結藏番密奏

上令錫勒達復審得養志刪改昇龍咨報文
移不據寔奏致逆番侵占內地戕害土官狀
罪應斬昇龍革職無餘罪

上以洛察布泰前此察審未明並降用尋復
昇龍原官四十年十月錫勒達赴

召還京任部事明年御史王度昭疏劾尙書
李振裕勒取屬員禮物部議振裕收受屬員

賀壽圍屏屬寔應革職

諭曰若果勒取禮物其罪寧止革職若祇收
受一屏豈宜以細故輕黜大臣凡稱清吏豈
皆一物不受錫勒達自陝西來曾奏藩庫羨
餘歲分萬金今仍爲吏部尙書若以受屏議
革如伊歲受萬金者更以何罪處之下九卿
等會議振裕止收一屏亦非勒索度昭指寔
一事均免議尋

命錫勒達以吏部尙書銜管禮部事四十二

年八月鎮守紅苗作亂奉

勅偕副都統圖斯海徐九如率前鋒四十名

調荊州及廣西貴州湖南兵撫勦

上指授方畧并

諭令會同荊州副都統珠滿湖廣提督俞益
謨協力酌籌十一月錫勒達至荊州趨鎮守
先遣將士赴苗寨宣

諭德威苗人薙髻摘鬢呈繳軍械歸誠者三
百一寨惟天星寨龍椒洞排六梁等十五寨

逆苗並恃險負岷觀望不至錫勒達乃與圖
斯海等議令貴州提督李芳述進取糯塘山
上葫蘆下葫蘆兜沙等寨廣西提督張旺進
取馬鞍打郎老枉山等寨鎮守總兵雷如進
取毛都塘老家寨兩頭羊湄亮七都樹等寨
而自與珠滿俞益謨率兵由報木營抵龍椒
洞分兵五路預扼遁竄要隘攻滅天星寨并
力搜勦排六梁等寨無算李芳述張旺雷
如等並分率所部攀藤入箐熏尚緣崖奮勇

撰勦前後斬賊千餘級餘悉納降收獲牛馬軍械均充賞賚明年正月與總督于成龍巡撫趙申喬等定議安立營訊增設鎮守道乾州同知鳳凰營通判各一員為善後計三月還京復

命繪圖呈

覽

報聞仍奉

命兼管太常寺事四十五年十二月卒年五

十有九

賜祭葬如例子六人次子烏禮布官至黑龍江將軍第五子世貴官至內閣學士第六子拉布敦官至左都御史贈壯果伯祀雙忠祠乾隆十五年

詔以其子及同族兄弟子孫並改隸正黃旗拉布敦別有傳

費揚古列傳

費揚古滿洲正白旗人姓棟鄂氏內大臣鄂

碩之子也

世祖章皇帝順治十五年襲父三等伯爵
聖祖仁皇帝康熙十三年隨安親王岳樂率
兵赴江西討逆藩吳三桂委署營總時賊將
黃乃忠糾賊萬餘自長沙犯袁州費揚古與
副都統沃赫總兵趙應奎等擊敗之擒偽官
童聖功復萬載縣城十五年擊走賊將夏國
相于萍鄉毀寨十二進圍長沙屢戰皆捷十
八年敗賊將吳國貴于武岡凱旋紀功擢領

侍衛內大臣兼火器營總管列議政大臣二十八年

命碩賚喀爾喀左翼土謝圖汗二十九年

上以噶爾丹劫掠喀爾喀又數擾我邊境授

裕親王福全撫遠大將軍費揚古往科爾沁

調兵隨征叅贊軍事是年八月擊敗噶爾丹

于烏蘭布通三十二年

命費揚古爲安北將軍駐歸化城三十三年

五月噶爾丹使人至歸化城言欲入貢費揚

古竹其踵至者男婦幾二千人遣兵迎問且
止之馳疏請



此知噶爾丹陽為修好潛蓄窺探意
命得即滿丕諭責其使遣之還七月

聞噶爾丹將逼圖拉
詔費揚古同右衛將軍希福率兵往禦希福
請益兵

上責希福遇事疑沮令勿偕往



